



„დამტკიცებულის“  
სსიპ - კოლეჯის „მერმისი“ დოკუმენტის  
2019 წლის 31.12. №4 220 ბრძანებით  
გვლობური 23.01.2023 წ. №01-08 მომსახურით  
ვალიდურია 26.12.2024 წ.

**სსიპ - კოლეჯის „მერმისი“ უსაფრთხოების უზრუნველყოფისა და პირველადი დახმარების  
აღმოჩენის წესი**

**მუხლი 1. ზოგადი დებულებები**

- 1.1 უსაფრთხოების უზრუნველყოფისა და პირველადი დახმარების აღმოჩენის წესი განსაზღვრავს სსიპ - კოლეჯის „მერმისი“ (შემდგომში - კოლეჯი) უსაფრთხოების უზრუნველყოფისა და პირველადი დახმარების აღმოჩენის მექანიზმებსა და პროცედურას.
- 1.2 ამ წესით გათვალისწინებული მექანიზმების განხორციელებაზე პასუხისმგებელია სახანძრო უსაფრთხოების უზრუნველყოფასა და პირველადი დახმარების აღმოჩენაზე დადგენილი წესით დანიშნული პასუხისმგებელი პირი/ები, აგრეთვე კოლეჯის ხელმძღვანელი და თანამშრომლები, რომლებიც ხელმძღვანელობენ საქართველოს კანონმდებლობით, კოლეჯის აქტებითა და წინამდებარე წესით.

**მუხლი 2. უსაფრთხოების უზრუნველყოფის ფორმები**

**2.1 კოლეჯი უზრუნველყოფს:**

- ა) კოლეჯის ტერიტორიაზე განთავსებული ქონების დაცვას;
- ბ) სახანძრო უსაფრთხოების უზრუნველყოფას;
- გ) სამედიცინო დახმარების აღმოჩენას კოლეჯის შენობა-ნაგებობაში და მის ტერიტორიაზე მყოფი ნებისმიერი პირისათვის, რომელიც საჭიროებს აღნიშნულ დახმარებას;
- დ) კოლეჯის შენობა-ნაგებობაში შეზღუდული შესაძლებლობის მქონე პროფესიული სტუდენტების/მსმენელების დახმარებას გადაადგილების დროს (ასეთების არსებობის შემთხვევაში);
- ე) კოლეჯის ტერიტორიაზე (მათ შორის პრაქტიკული მეცადინეობის მსვლელობისას) უსაფრთხოების და წესრიგის დაცვის მექანიზმებს;
- ვ) საჭიროების შემთხვევაში შენობაში მყოფთა ევაკუაციას.

**მუხლი 3. ხანძარსაწინააღმდეგო უსაფრთხოების უზრუნველყოფა**

- 3.1 ხანძარსაწინააღმდეგო უსაფრთხოების უზრუნველყოფის მიზნით კოლეჯში ყველა სართულზე თვალსაჩინო ადგილას გამოკრულია საევაკუაციო გეგმა, რომლის შესაბამისად საჭიროების შემთხვევაში მოხდება შენობის უსაფრთხო დატოვება;
- 3.2 კოლეჯი აღჭურვილია ხანძარსაწინააღმდეგო სიგნალზაფიის სისტემითა და შესაბამისი ხანძარსაწინააღმდეგო ინვენტარით (ცეცხლმაქრი, სახანძრო სტენდი);
- 3.3 აკრძალულია კოლეჯის ტერიტორიაზე ადვილადაალებადი, ფეთქებადი და მხუთავი აირების შემცველი ნივთიერებების შეტანა;

3.4 სახანძრო უსაფრთხოების უზრუნველყოფაზე დადგენილი წესით დანიშნული პასუხისმგებელი პირი/ები, თანამშრომლები, პედაგოგები, სტუდენტები და მსმენელები შენობაში ხანძრის ან წვის ნიშნების (დაკვამლიანება, დამწვრის სუნის, ტემპერატურის აწევის და ა.შ.) აღმოჩენის შემთხვევაში ვალდებული არიან:

ა) დაუყოვნებლივ შეატყობინონ ხანძრის გაჩენის შესახებ სახანძრო დაცვას, აგრეთვე კოლეჯის ხელმძღვანელობასა და მორიგე სამსახურებს (სასწრაფო, პატრული და ა.შ.). ამასთან, აუცილებელია დაასახელოს ობიექტის მისამართი, ხანძრის გაჩენის ადგილი, აგრეთვე შეატყობინოს თავისი გვარი, სახელი;

ბ) არსებული ძალებისა და საშუალებების გამოყენებით დაუყოვნებლივ მიიღონ ზომები ადამიანთა გადასარჩენად, ევაკუაციაში, მატერიალურ ფასეულობათა გადარჩენასა და ხანძრის ჩაქრობაში;

3.5 სახანძრო უსაფრთხოების უზრუნველყოფაზე დადგენილი წესით დანიშნული პასუხისმგებელი პირი/ები ვალდებულია არიან:

ა) შეამოწმონ ხანძარსაწინააღმდეგო დაცვის ავტომატური სისტემის (ხანძრის შესახებ მაუწყებლობის, ხანძრის ჩაქრობის, კვამლსაწინააღმდეგო დაცვის) მუშაუნარიანობა;

ბ) საჭიროების შემთხვევაში გამორთონ ელექტროენერგია (გარდა ხანძარსაწინააღმდეგო დაცვის სისტემებისა), შეაჩერონ გადასატანი მოწყობილობების, აგრეგატების, აპარატების მუშაობა, გადაკეტონ გაზისა და წყლის კომუნიკაციები, შეაჩერონ ავარიულ და მასთან მომიჯნავე სათავსებში სავენტილაციო სისტემების მუშაობა, შეასრულონ სხვა ღონისძიებები, რომლებიც ხელს შეუწყობს შენობის სათავსებში ხანძრის გავრცელებისა და დაკვამლიანების თავიდან აცილებას;

გ) შეწყვიტონ შენობაში ყველა სამუშაო (თუ ეს წარმოების ტექნოლოგიური პროცესით დასაშვებია), გარდა სამუშაოებისა, რომლებიც დაკავშირებულია ხანძრის ლიკვიდაციასთან;

დ) გაიყვანონ საშიში ზონის ფარგლებს გარეთ ყველა მუშაკი, რომელიც არ მონაწილეობს ხანძრის ჩაქრობაში;

ე) სახანძრო დაცვის დანაყოფის მოსვლამდე განახორციელონ ხანძრის ჩაქრობის საერთო ხელმძღვანელობა;

ვ) უზრუნველყონ ხანძრის ჩაქრობაში მონაწილეთა მიერ უსაფრთხოების წესების მოთხოვნების დაცვა;

ზ) ხანძრის ჩაქრობასთან ერთად ორგანიზება გაუწიონ მატერიალურ ფასეულობათა ევაკუაციას და დაცვას;

თ) ორგანიზება გაუწიონ სახანძრო დაცვის დანაყოფების შეხვედრას და მათთვის დახმარების აღმოჩენას ხანძრის კერასთან მისასვლელი უმოკლესი გზების შერჩევაში;

ი) სახანძრო დაცვის დანაყოფის მისვლისთანავე მიაწოდონ ინფორმაცია ხანძრის ჩაქრობის ხელმძღვანელს ობიექტის კონსტრუქციული და ტექნოლოგიური თავისებურებების, მომიჯნავე შენობებისა და ნაგებობების შესახებ, შენახული და გამოსაყენებელი ნივთიერებების, მასალების, ნაწარმის რაოდენობასა და ხანძარსაშიშ თვისებებზე და ხანძრის წარმატებით ლიკვიდაციისთვის საჭირო სხვა მონაცემებზე, აგრეთვე გაუწიოს ორგანიზება ობიექტის ძალებისა და საშუალებების ჩაბმას ხანძრის ჩაქრობასთან დაკავშირებული აუცილებელი ღონისძიებების განხორციელებაში.

6. ევაკუაციის ნიშანის შემთხვევაში ადგილზე მყოფი კოლეჯის თანამშრომლები იკავებენ მდგომარეობას უახლოეს გასასვლელებთან და მეთვალყურეობენ ევაკუაციის მიმდინარეობას.

#### **მუხლი 4. სამედიცინო დახმარების აღმოჩენის უზრუნველყოფა**

4.1 იმ შემთხვევაში, თუ კოლეჯს არ გააჩნია კომპეტენცია, სამედიცინო დახმარება გაუწიოს კოლეჯის სტუდენტებს, მსმენელებს და პერსონალს, სამედიცინო დახმარების აღმოჩენის უზრუნველსაყოფად, ოპერატიულად იქნება გამოძახებული სასწრაფო დახმარება.

4.2 სამედიცინო დახმარების აღმოჩენის მექანიზმები:

ა) სტუდენტებს, მსმენელებსა და კოლეჯის თანამშრომლებს უფლება აქვთ ნებისმიერ დროს მიმართონ კოლეჯის ექთანს და მიიღონ შესაბამისი კონსულტაცია ან სამედიცინო დახმარება.

ბ) თუ სტუდენტი, მსმენელი ან კოლეჯის თანამშრომელი ვერ ახერხებს კოლეჯის ექთანთან დამოუკიდებლად მისვლას, ამის შესახებ დაუყოვნებლივ უნდა ეცნობოს კოლეჯის ექთანს, დაცვის სამსახურს ან ადმინისტრაციას, რომლებიც ვალდებული არიან მიიყვანონ ეს პიროვნება სამედიცინო პუნქტთან.

გ) თუ სტუდენტის, მსმენელის ან კოლეჯის თანამშრომლის ჯანმრთელობის მდგომარეობის სირთულიდან გამომდინარე ეჭვქვეშ დგება მისი გადაადგილების უსაფრთხოება, კოლეჯში მყოფ ნებისმიერ პირს უფლება აქვს აცნობოს კოლეჯის ექთანს და სთხოვოს მას ავადმყოფის ადგილზე გასინჯვა. კოლეჯის ექთანი ვალდებულია დააკმაყოფილოს ეს თხოვნა.

დ) აუცილებლობის შემთხვევაში კოლეჯის ექთანმა დაუყოვნებლივ უნდა გამოიძახოს სასწრაფო დახმარება და საჭიროების შემთხვევაში სხვა სამსახურები.

ე) სასწრაფო სამედიცინო დახმარების სამსახურის გამოძახებისას, კოლეჯის ექთანმა ოპერატორს უნდა მიაწოდოს ზუსტი ინფორმაცია, კერძოდ:

ე.ა. საკუთარი ტელეფონის ნომერი;

ე.ბ. კოლეჯის მისამართი;

ე.გ. რა შემთხვევასთან გვაქვს საქმე, რამდენად სერიოზულია ის;

ე.დ. დაზარალებულთა რაოდენობა, სქესი, ასაკი და ზოგადი მდგომარეობა;

ე.ე ნებისმიერი სხვა საჭირო ინფორმაცია.

4.3 კოლეჯის ექთნის მირითადი ფუნქციებია:

ა) კოლეჯის პერსონალს, სტუდენტებსა და მსმენელებს საჭიროების შემთხვევაში დაუყოვნებლივ აღმოუჩინოს პირველადი სამედიცინო დახმარება;

ბ) კოლეჯის პერსონალს, სტუდენტებსა და მსმენელებს გაუწიოს კონსულტაცია თავისი კომპეტენციის ფარგლებში;

გ) ხელი შეუწყოს კოლეჯში ცხოვრების ჯანსაღი წესის დანერგვას;

დ) შესაძლებლობის ფარგლებში გაატაროს აუცილებელი ღონისძიებები დაავადებათა გავრცელების თავიდან აცილების მიზნით.

ე) ამ ამოცანების ეფექტურად შესრულების მიზნით, კოლეჯის ექთანს გამოყოფილი აქვს სათანადო ინვენტარითა და მედიკამენტებით აღჭურვილი ოთახი. ოთახში არის ყველა საჭირო ინვენტარი და პირველადი დახმარებისათვის აუცილებელი სხვადასხვა სამკურნალო საშუალებები.

#### **მუხლი 5. უსაფრთხოების და წესრიგის დაცვის მექანიზმები**

5.1 კოლეჯის დაცვის თანამშრომლები ან/და შესაბამისი პასუხისმგებელი პირი/ები ვალდებული არიან მუდმივად აკონტროლონ კოლეჯში დამონტაჟებული სამეთვალყურეო

კამერუბი (ასეთის არსებობის შემთხვევაში) და დარღვევის აღმოჩენის შემთხვევაში დაუყოვნებლივ აღმოფხვრან იგი.

5.2 კოლეჯის შენობაში შესვლა დასაშვებია საშვით (ასეთის არსებობის შემთხვევაში). დაცვის თანამშრომლები ვალდებული არიან გადასცენ საშვი ან/და შეუშვან შენობაში სტუმარი მხოლოდ პირადობის ან მართვის მოწმობის მონაცემების წარდგენის საფუძველზე

5.3 ყველა სტუდენტი და მსმენელი ვალდებულია თან იქონიოს პირადობის მოწმობა ან სხვა მაიდენტიფიცირებელი დოკუმენტი და მოთხოვნის შემთხვევაში, წარუდგინოს დაცვის თანამშრომლებს კოლეჯში შესვლისას. სხვა შემთხვევაში იდენტიფიცირება ხდება ადმინისტრაციაში მონაცემთა ბაზის მეშვეობით.

5.4 კოლეჯი მასწავლებლებს, სტუდენტებს და მსმენელებს სასწავლო პროცესის მსვლელობისას, პრაქტიკული მეცადინეობებზე უსაფრთხოების დაცვისთვის უზრუნველყოფს შრომისა და ჯანმრთელობის უსაფრთხოების დაცვის და პირადი ჰიგიენის საშუალებებით (სპეცტანსაცმელი, ხელთათმანები, სათვალე, რესპირატორი, ჩაფხუტები, ჩექმები, ერთჯერადი ხელთათმანები, ბაზილები, სარეცხი საშუალებები და სხვა.)

5.4<sup>1</sup>- არასრულწლოვანი სტუდენტების/მსმენელების უსაფრთხოების უზრუნველსაყოფად, მასწავლებლის მიერ არასრულწლოვანი სტუდენტის/მსმენელის მეცადინეობიდან განთავისუფლება ხორციელდება კოლეჯის დირექტორის მოადგილესთან (სასწავლო დარგში), ხოლო მისი არ ყოფნის შემთხვევაში სასწავლო პროცესის მენეჯერთან შეთანხმებით, არასრულწლოვნი სტუდენტის/მსმენელის მშობელთან/კანონიერ წარმომადგენელთან სატელეფონო კომუნიკაციის შემდეგ „

5.5 მასწავლებელი პრაქტიკული მეცადინეობების დაწყებისას და კონკრეტული სამუშაოების შესრულების წინ სტუდენტებს/მსმენელებს უტარებს ინსტრუქტაჟს შრომისა და ჯანმრთელობის უსაფრთხოების დაცვის ნორმების შესახებ

5.6 კოლეჯი ელექტროუსაფრთხოების წესების და უსაფრთხო ექსპლოატაციის ნორმების დაცვას პრაქტიკული მეცადინეობების მსვლელობისას უზრუნველყოფს იმ სახელოსნოებში, სადაც განთავსებულია ელექტროდანადგარები (მაცივრები, ელექტროქურები, მექანიკური, თბური და მჭრელი ხელსაწყოები, საკერავი მანქანები, დაზგები და სხვ.), აუდიტორიებს, კლას-კაბინეტებში და კომპიუტერულ სახელოსნოებში, სადაც განთავსებულია კომპიუტერული ტექნიკა უსაფრთხო ექსპლოატაციის ნორმების შესაბამისად პროფესიული საგანმანათლებლო პროგრამის, მოკლევადიანი მომზადება/გადამზადების პროგრამების სპეციფიკის გათვალისწინებით.

5.7 საამისოდ უფლებამოსილი პირი კოლეჯის თანამშრომლებსა და სტუდენტებს/მსმენელებს უტარებს პირველადი სამედიცინო დახმარების და უსაფრთხოების დაცვის ტრენინგებს, რასაც ხელმოწერით ადასტურებენ ჟურნალში.

5.8 სტუდენტის/მსმენელის მხრიდან შინაგანაწესის დარღვევის შემთხვევაში (ჩხუბი, კოლეჯის ინვენტარის დაზიანება, წესრიგის დარღვევა, უხამსი საქციელი, ბილწისიტყვობა და სხვა) დაცვის თანამშრომელი, რომელმაც აღმოაჩინა დარღვევა, ადმინისტრაციის შესაბამის უფლებამოსილ თანამშრომელთან ერთად ადგენს ოქმს, სადაც აღწერილია დარღვევის არსი, დამრღვევის მონაცემები (გვარი, სახელი, პირადი ნომერი, სპეციალობა, ჯგუფი), დამრღვევის ახსნა-განმარტება. შედგენილი ოქმი განსახილველად გადაეცემა კოლეჯის ადმინისტრაციას, რომელიც ხელმძღვანელობს კოლეჯის შინაგანაწესით.

## **მუხლი 6. დასკვნითი დებულებანი**

- 6.1 კოლეჯს აქვს უფლება უსაფრთხოების დასაცავად განახორციელოს ისეთი ქმედება, რაც ამ წესით არ არის განსაზღვრული, რომელიც უნდა შეესაბამებოდეს საჭართველოს მოქმედ კანონმდებლობასა და დამდგარ ფაქტობრივ მდგომარეობას, რომლის გამოც საჭირო გახდება ასეთი წესების გამოყენება.
- 6.2 ამ წესში ცვლილებების და/ან დამატებების შეტანა ხდება კოლეჯის დირექტორის ბრძანებით.